



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Dormi Secvre: Vel Cynosvra Professorvm Ac Stvdiosorvm Eloquentiæ,**

in qua Centvm Et Viginti Themata Oratoria. Non Solvm Stvdiosis, Sed &  
Professoribus eloquentiæ, ac pietatis veræ amantibus utilissima &  
pernecessaria explicantur ; Cum Indice rerum atq[ue] verborum locupleti

**Tympe, Matthäus**

**Coloniæ Agrippinæ, 1650**

IX. Leges è Rep. non esse tollendas.

**urn:nbn:de:hbz:466:1-39028**



id obtinere non possint; tum demum summo jure experiantur. Adde quod judicia non in dirimendis duntaxat controversiis; verum etiam maleficiis puniendis sint occupata: (*Cic. pro Caccinna.*) ideoque nequaquam esse contemnenda.

IX. LEGES REP. NON ESSE  
tollendas.

**I**N EXORDIO dices, malis fudes in oculis, & ex-  
las esse bonas Leges.

*In PROPOSITIONE*, Te eas in Rep. esse necessarias probaturum.

*CONFIRMATIONIS I. RATIO*, ab *Etyologia* nominis *Græci*, Νόμος: dicitur enim νόμος à νόμος à tribuendo, quod unicuique suum tribuat.

*II. ab utili ve effectis Legum.* Nam PRIMÒ frænant & coërcent, tanquam vincula Reipub. hominum cupiditates! (*Plat. de Leg.*) SECUNDÒ, non solum sunt potentum frænum, sed & auxilium infirmorum (*Cassiod.*) TERTIÒ, sunt Magistratibus quasi murus adversus vulgi importunitatem, dum impediunt mala, ne oriantur? & corrigunt, ac evellunt, quæ irreperunt. (*Leo Imp. in Proæmio Novell. Constit.*) QUARTÒ, sunt quasi oculi, atque adedò anima & spiritus Reip. (*Leo Imp. Const. 19.*) & regulæ justorum & injustorum, (*Lib. I. Digest. tit. 3.*) imperantes honesta, prohibentes contraria. (*Cic. II. Philip.*)

*III. à causa efficiente præstantissima.* Est enim Lex ordinatio & donum Dei è divino mentis sacratio in sapientum animos profecta. (*Demosth. contra Aristogit.*) Quod etiam Ethnicorum Legumlatores sunt fassi. Nam Minias Rex Ægypti, qui omnium primus illis leges tulit, harum authorem Mercurium constituit, Minos in Creta Jovem, Lycurgus Apol-



pollinem, Zamolxis Vestam, Numa Nympham Egeriam

IV. à *sino*, qui est virtus, (*Plato lib. 3. de legib.*) ne quis improbè & iniquè vivat, & ut, punitis iis, qui jus violarunt, meliores alii evadant (*Demosth. adversus Aristogit.*) Illustrabis hoc simili: Quemadmodum magistri in scholis pueris iis, qui scribendi nondum facultate valent, lineas calamo abjiciunt, & exemplar exhibent, ut ex illarum linearum ductu suas pueri literas conforment: ita Resp. sub certa Legum formula unumquemque vivere civium cogit. (*Plato in Protag.*) Adhæc factæ sunt Leges, ut maneat vita nostra beata & iusta. (*Cic. 2. de Legib.*) Dum enim hæc conferantur, pax & concordia viget, (*Plato 1. de leg.*) bona & facultates cuiusque defenduntur. Ut enim mandus ad nos perveniat, testamento fieri difficilius potest, ut retineamus, quod nostrum est factum, sine jure civili non potest. (*Cic. pro Acin.*)

V. à *necessario*. Sine legibus si vivunt homines, nihil à feris & bestiis differunt: (*Plato 9. de leg.*) si enim his nulla domus, nulla civitas, nulla gens, imò nec ipse mundus consistere potest: (*Cic. 3. de Leg.*) multò minus sine his libertas manet, sed oritur servitus, ingruit bellum ac seditio. (*Dionys. Halic. 2. 7.*) Hinc legum servi sumus, ut liberi esse possimus. (*Cic. pro Cluentio.*)

VI. ab *Exemplis*, JUDÆI Dei Opt. Max. voluntate & jussu Legis divinæ mandata scripta ferebant in manibus & fronte, habebant in limine domus, ut harum nunquam obliviscerentur (*Deut. 10.*) ROMANI armis & legibus se exercentes orbem terrarum suum fecerunt: & quidem armis contrinxerunt, legibus conservarunt. Nec ullaquam vel mediocris Resp. sine certis legibus vit.



In CONFUTATIONE respondebis ad objectiones, qua contra necessitatem Legum possunt moveri. PRIMÒ, ad id, quod Magistratus sæpè Legibus abutuntur, dices, id fieri vel imperitia, vel malitia quadam hominum; & esse omnium rerum præclararum abusum, sola virtute excepta, (*Aristot. 7. Rhet. cap. 1. Quintil. lib. 2. Instit. cap. 17.*) SECUNDÒ, ad id, quod impii dicunt, Leges esse tyrannos hominum, dices: Legem bonam non cogere instar tyranni, sed cavere instar prudentis dominæ, ne quis malè agat. (*Plato in Protag.*) TERTIÒ, ad id, quod afferunt, hominibus, non legibus esse obtemperandum, dices: hominibus leges anteponendas esse, cum inter amicum & inimicum nullum faciunt discrimen, coërceant cupiditates, naturam ad vitia per se pronam, regant, & ad virtutem flectant, nihilque tribuant affectibus. (*Arist. 1. Pol. cap. 12. & 3. cap. 15. Rhet. lib. 1. cap. 1.*) ubi enim sunt affectus, ibi verum pervideri non potest (*Salust. in Conjurat. Catil.*) res nequit institui consilio & cogitatione: (*Senec. Epist. 16.*) ut amatores propter amorem, oculorum sensum prementem, de forma judicare rectè non valent. (*Quintil. lib. 6. cap. 3.*) Plato interitui esse vicinam Remp, illam scribit, in qua non Magistratibus Leges, sed Legibus Magistratus imperant. (*in Critia.*) QUARTÒ, ad id, quod dicunt, Leges nonnullas esse iniquas, respondebis, impiam constitutionem, Legis nomen non mereri. (*Cic. 1. de Leg.*) QUINTÒ, ad id, quod ajunt, non decretis, sed bonis moribus civitatem esse gubernandam, dices, si mores boni sunt, in legem transferri possunt, ut firmiter observentur: (*Arist. 7. Pol. cap. 2.*) sin mali quid & injusti continent, Legge sola emendandi sunt. (*Ibid.*) Leges etiam sine moribus nihil valent.

In EPILOGO hortaberis Auditores, ut cogitent



tent perpetuò , quam nobis cordi debeant esse  
Leges.

## X. CORPORA DEFVNCTORVM *honestè esse sepelienda.*

IN EXORDIO *referes*, nationes multas olim multam rationem sepulturæ habuisse. Nam PERSÆ canibus & avibus ante demortuos objecerunt. (*Herod. lib. 1.*) INDI sepulchra multa habuerunt. (*Cal. lib. 19. cap. 30.*) PARTHI, BACTRIANI, & CASPI canibus domi ad hoc officium nutritis dilandos mortuos objecerunt (*Bonifin. lib. 1. rerum Vngaricar. decad. 1.*) MASSAGETÆ propinquos & cognatos suos, ubi ad multam senectutem venissent, vel aliquo casu mors visa esset appropinquare, mactatos ante, magnifico apparatu devorârunt. COLCHI defunctos suos non sepeliverunt, sed de arboribus suspenderunt.

In POSITIONE *dices*, Te ostensurum, nobis Christianis sepulturam nequaquam esse neglegendam.

CONFIRMATIONIS I. RATIO, *ab Exemplis Sanctorum, qui eam non neglexerunt.* Nam ABRAHAM legitur agrum emisse pro sepultura sua & uxoris suæ, (*Gen. 25*) ibidemque post sunt sepulti Isaac, Jacob, & alii. DAVID Rex Saulem Regem & filios ejus sepelivit, (*Reg. 21.*) Hierosolymis in monte Sion Davidis & aliorum Regum fuerunt sepulchra: humati ibidem sunt Salomon, Roboam, Ezechias & alii (*3. Reg. 2. 2. II. & 14. 2. Paralip 32.*)

II. *ab Exemplis etiam Ethnicorum.* ATHENIENSIS illis, qui adversus Philippum ad Cheroniam pugnantes occubuerant, sepulchra publicè exstruxerunt (*Demosth. in Orat funebri.*)

B 4

III. ab